

149 styrkinn til umsóknar, tekur á móti umsóknum um hann og gerir tillögur um hverj-
8. nóv. um styrkur skuli veittur og sendir þær tillögur til Háskóla Íslands. Háskóli Íslands
veitir síðan styrkinn eftir tillögum Oslóarháskóla og er það ósk gefendanna, að sú
úthlutun fari fram 8. maí ár hvert.

Tillögur um styrkveitingu úr sjóðnum skulu jafnan sendar frá Guðrúnu Brun-
borg og eftir hennar dag syni hennar, Erlingi Brunborg í Billingsstad, og skal þess
síðan jafnan gætt, að einhverjum niðja gefendanna í beinan karlegg sé gefinn kostur
á að fylgjast með því, hversu fé sjóðsins er varið.

10. gr.

Hverjum þeim, sem verður aðnjótandi styrks úr sjóðnum, skal skylt að kynna
sér tilgang hans og tildrögin að stofnun hans.

Að loknu tímabili því, er styrkur er veittur til, skal styrkþega skylt að senda
Háskóla Íslands skriflega skýrslu sína um það, hver not honum hafi orðið að styrkn-
um. Háskóli Íslands skal senda frá Brunborg og síðan fulltrúa ættarinnar, sbr. 9. gr.
2. mgr., eftirrit af skýrslu þessari.

11. gr.

Háskóli Íslands heldur gerðabók fyrir sjóðinn. Í hana skal rita skipulagsskrá
sjóðsins, reikninga hans, styrkveitingar úr honum og annað, er varðar hag sjóðsins
og starf.

Reikningsár sjóðsins er almanaksárið. Reikningar sjóðsins skulu endurskoðaðir
af endurskoðendum háskólareikninganna.

12. gr.

Stofnendur sjóðs þessa hafa stofnað sjóð við Oslóarháskóla, og er honum ætlað
sams konar hlutverk í Noregi sem þessum sjóði er ætlað á Íslandi.

13. gr.

Frú Guðrún Brunborg áskilur sér rétt til þess, innan næstu 5 ára, að koma fram
með tillögur um breytingar á skipulagsskrá þessari, þó svo, að þær breytingar haggi
að engu tilgangi sjóðsins.

14. gr.

Leita skal staðfestingar forseta Íslands á skipulagsskrá þessari og fara þess á
leit, að hún verði prentuð í B-deild Stjórnartíðindanna.

150 Staðfesting forsetans á skipulagsskrá fyrir Bindindismálasjóð Sigurgeirs Gísla-
9. nóv. sonar, útgefin á venjulegan hátt að mandatum af dómsmálaráðherra 9. nóv. 1948.
Skipulagsskráin er þannig:

SKIPULAGSSKRÁ

fyrir Bindindismálasjóð Sigurgeirs Gíslasonar.

1. gr.

Nafn sjóðsins er Bindindismálasjóður Sigurgeirs Gíslasonar.

2. gr.

Stofnfé sjóðsins er kr. 10 534.26 og er það þannig til orðið, að félagar í Kaup-
félagi Hafnarfjarðar gáfu eftirstöðvar af úthlutuðu fé við slit kaupfélagsins, sam-

tals að upphæð kr. 8 896.58, til nefndrar sjóðsstofnunar. Gunnlaugur Stefánsson kaupmaður í Hafnarfirði gaf um líkt leyti kr. 1000.00 til minningar um Árna Björnsson prófast frá Görðum og kr. 500.00 til minningar um Guðmund Helgason í Hafnarfirði. Þá hafa vextir lagzt við ofangreindar upphæðir, að upphæð kr. 137.68. Stofndagur sjóðsins telst áttíðisafmælisdagur Sigurgeirs Gíslasonar fyrrverandi sparissjóðsgjaldkera í Hafnarfirði, sem er þann 9. nóvember 1948. 150
9. nóv.

3. gr.

Tilgangur sjóðsins er að veita fé til útbreiðslu bindindis í Hafnarfjarðarbæ, t. d. með því að fá góðan mann á haustin, í byrjun starfstíma stúknanna, til að fara um kaupstaðinn og hvetja menn til að gerast bindindismenn, eða á annan hátt, er sjóðs-stjórninni þykir henta í hvert sinn.

4. gr.

Stjórn sjóðsins skal skipuð 5 mönnum, körlum eða konum, og sé stjórnin kosin af stúkunni Morgunstjórnunni nr. 11, fyrir janúarmánaðarlok ár hvert. Stjórnin skal kosin til tveggja ára í senn, þó þannig, að tveir stjórnenda gangi úr eftir hlutkesti, eftir eitt ár, og jafnan kosnir tveir í þeirra stað, á þann hátt er að ofan greinir. Ávallt skulu þrjár stjórnarmeðlimir vera félagar í stúkunni Morgunstjórnunni, meðan hún starfar.

Leggist stúkan Morgunstjarnan niður, skal næstelzta undirstúka IOGT, sem starfandi er í Hafnarfirði, kjósa stjórnina á sama hátt, en leggist allar stúkur niður í Hafnarfirði, tekur stjórn Stórstúku Íslands við vörzlu sjóðsins, og skal hún nota fé hans á sama hátt fyrir regluboðun í Hafnarfirði, þar til stúka verður stofnuð þar á ný, sem þá tekur við sjóðnum.

Sjóðurinn skal geymdur í vörzlu stjórnar hans, sem starfandi er í hvert sinn, og ræður hún úthlutun úr sjóðnum.

5. gr.

Tekjur sjóðsins eru vextir af inneign, gjafir og áheit og aðrar tekjur, er stjórnin sér sér fært að afla.

6. gr.

Verja má allt að hálfum árstekjum sjóðsins, til ofangreindrar starfsemi, þangað til hann er orðinn kr. 25 000.00, en eftir það allt að $\frac{3}{4}$ árstekna hans.

7. gr.

Sjóðurinn skal geymdur í tryggum verðbréfum eða á annan hátt, er fullnægir fyrirmælum laga um örugga varðveislu og ávöxtun opinberra sjóða.

8. gr.

Fjarveitingar úr sjóðnum skulu fara fram þegar stjórn hans ákveður og á þann hátt, er henni þykir bezt henta, til að ná tilgangi sjóðsins.

9. gr.

Stjórn sjóðsins ber að halda gerðabók fyrir sjóðinn, færa í hana skipulagsskrána, fundarsamþykktir og allar framkvæmdir, sem varða hag og rekstur sjóðsins. Enn fremur skal hún halda nákvæma skýrslu yfir tekjur og gjöld sjóðsins.

Reikningar sjóðsins skulu endurskoðaðir af tveim þar til hæfum mönnum, sem bæjarstjórn Hafnarfjarðar kys til eins árs í senn.

10. gr.

Leita skal staðfestingar forseta Íslands á skipulagsskrá þessari og skal hún birt í B-deild Stjórnartíðindanna.